



Broj: UP1:01-50-2-2187-1/23
Sarajevo, 04.07.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Amine Hubanić zastupane po advokatu Edinu Šećerbegoviću za slobodu pristupa informacijama od 16. 5. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

ZAKLJUČAK **o obustavi postupka**

Obustavlja se postupak po zahtjevu za pristup informacijama Amine Hubanić zastupane po advokatu Edinu Šećerbegoviću od 16. 5. 2023. godine.

O b r a z l o ž e n j e

Amina Hubanić zastupana po advokatu Edinu Šećerbegoviću obratila se 16. 5. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup sljedećim informacijama, *odnosno uvid u slijedeću dokumentaciju: Imenovanje komisije za izbor kandidata koje se odnosi na izboru kandidata na radno mjesto-referenta za vođenje protokola i administrativno tehničke poslove u Ministarstvu komunikacija i transporta BiH od dana 28.04.2023. godine, broj: 04-34-2-691-23/23; Zapisnici sa sastanaka za izbor kandidata koje se odnosi na izboru kandidata na radno mjesto-referenta za vođenje protokola i administrativno tehničke poslove u Ministarstvu komunikacija i transporta BiH od dana 28.04.2023. godine, broj: 04-34-2-691-23/23; Ocjene svih kandidata učesnika, prvobitne i naknadne ocjene članova Komisije koje se odnosi na izboru kandidata na radno mjesto-referenta za vođenje protokola i administrativno tehničke poslove u Ministarstvu komunikacija i transporta BiH od dana 28.04.2023. godine, broj: 04-34-2-691-23/23; Nacionalnu strukturu zaposlenih na protokolu i arhivi Ministarstva komunikacija i transporta BiH; Nacionalnu strukturu članova Komisije.*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

Ministarstvo je na osnovu člana 14. stav (2) tačka b) Zakona, a u smislu člana 16. Zakona, utvrdilo da je podnositelj zahtjeva u obavezi, ukoliko se odluči za fotokopiranje tražene dokumentacije koja se sastoji od 69 stranice, platiti troškove fotokopiranja u skladu sa Odlukom Vijeća ministara Bosne i Hercegovine o troškovima umnožavanja traženih informacija u skladu sa Zakonom o slobodi pristupa informacijama u Bosni i Hercegovini („Službeni glasnik BiH“, broj 12/01) i Zakonom. Shodno navedenim propisima, za standardnu veličinu fotokopija, prvih 20 stranica se ne naplaćuje, a za svaku narednu stranicu cijena fotokopiranja iznosi 0,50 KM po stranici, a na dostavljenom dokumentu zaštićena su imena koja se mogu tretirati kao lični podatak.

Imajući u vidu da podnositelj treba platiti kopiranje za 69 stranica, Ministarstvo je 30. 5. 2023. godine putem elektronske pošte zatražilo od podnosioca da izvrši uplatu.

U vezi sa traženim, podnositelj je 4. 7. 2023. godine putem elektronske pošte obavijestio Ministarstvo da njegova klijentica odustaje od podnesenog zahtjeva.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



Dostavljeno:

- Advokatska kancelarija Edin Šećerbegović, Radićeva 5, 71 000 Sarajevo;
- spis predmeta;
- a/a.